

# სახელმწიფო შესყიდვების შესახებ ხელშეკრულება

№184

ქ. თბილისი

6 ივნისი 2019 წელი

ერთი მხრივ, სსიპ - ღვინის ეროვნული სააგენტო (შემდგომში - „შემსყიდველი“) წარმოდგენილი თავმჯდომარის ლევან მეხუზლას სახით და მეორე მხრივ, სს „გამოფენების ცენტრი“ (შემდგომში - „მიმწოდებელი“) წარმოდგენილი დირექტორის რესან ქიქავას (პ/ნ: 61001018642) სახით, „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „დ“ ქვეპუნქტის (SMP190000211), „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებისა და საქართველოს მთავრობის 2019 წლის 5 თებერვლის №140 განკარგულების თანახმად, ვდებთ წინამდებარე ხელშეკრულებას შემდეგზე:

## 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე სხვა დოკუმენტაციით, რომლებზეც ხელშეკრულებაში არის მინიშნებები;

1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების შესრულებისათვის;

1.3 „დღე“, „კვირა“, „თვე“ - კალენდარული დღე, კვირა, თვე;

1.4 „შემსყიდველი“ - ორგანიზაცია, რომელიც ახორციელებს შესყიდვას;

1.5 „მიმწოდებელი“ - პირი, რომელიც ახორციელებს მომსახურების გაწევას ამ ხელშეკრულების ფარგლებში;

1.6 „მომსახურება“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

## 2. ხელშეკრულების საგანი

სახელმწიფო ბიუჯეტის სახსრებით (პროგრამა: ქართული ღვინოპროდუქციის პოპულარიზაციის ხელშეწყობის ღონისძიებები) საქართველოში დაგეგმილი ღვინისა და ალკოჰოლიანი სასმელების მე-12 საერთაშორისო გამოფენის „WinExpo Georgia-2019“-ის ფარგლებში გასამართი ღვინის საერთაშორისო კონკურსი „International Wine Competition“-ის ორგანიზების მომსახურების შესყიდვა, ამ ხელშეკრულებისა და დანართი №1-ის შესაბამისად (CPV-79952000 კოდი) გამარტივებული შესყიდვის საშუალებით. დანართი №1 თან ახლავს ხელშეკრულებას და წარმოადგენს ამ ხელშეკრულების განუყოფელ ნაწილს.

## 3. მომსახურების გაწევის ვადები და ადგილი

3.1 მომსახურების გაწევის ვადები: 2019 წლის 11-12 ივნისი.

3.2 მომსახურების გაწევის ადგილი: ქ. თბილისი, ა. წერეთლის გამზ. №118, გამოფენების ცენტრი „ექსპო ჯორჯია“.

## 4. ხელშეკრულების ღირებულება

4.1 ხელშეკრულების საერთო ღირებულება შეადგენს 30 000.00 (ოცდაათი ათასი) ლარს.

4.2 ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

## 5. მხარეთა ვალდებულებები

5.1. მიმწოდებელი ვალდებულია:

ა) ამ ხელშეკრულებისა და დანართი №1-ის შესაბამისად უზრუნველყოს საქართველოში დაგეგმილი ღვინისა და ალკოჰოლიანი სასმელების მე-12 საერთაშორისო გამოფენის „WinExpo Georgia-2019“-ის ფარგლებში გასამართი ღვინის საერთაშორისო კონკურსი „International Wine Competition“-ის ორგანიზება და მენეჯმენტის განხორციელება;

ბ) უზრუნველყოს ღვინის საერთაშორისო კონკურსი „International Wine Competition“-ზე მოწვეული სტუმრების მიღება და მათი მასპინძლობა;

გ) უზრუნველყოს შესაბამისი ფართის გამოყოფა ღვინის საერთაშორისო კონკურსი „International Wine Competition“-ის ჩატარებისთვის;

დ) უზრუნველყოს ღვინის საერთაშორისო კონკურსი „International Wine Competition“-ში გამარჯვებული კომპანიების გამოვლენა და მათი დაჯილდოება დანართი №1-ში მოცემული შესაბამისი მედლებით;

ე) დროულად განიხილოს შემსყიდველის პრეტენზიები, რომლებიც დაკავშირებულია ხელშეკრულების შესრულებასთან და მიაწოდოს მოტივირებული პასუხი ყველა საკითხზე;

ვ) შემსყიდველის მოთხოვნის შესაბამისად მიაწოდოს მას ინფორმაცია მომსახურების განხორციელების შესახებ;

ზ) განახორციელოს ამ ხელშეკრულებით მასზე დაკისრებული სხვა ვალდებულებები.

5.2 შემსყიდველი ვალდებულია:

ა) დროულად განიხილოს „მიმწოდებლის“ მიერ წარმოდგენილი წინადადებები, რომლებიც დაკავშირებულია ხელშეკრულების შესრულებასთან;

ბ) ხელშეკრულების პირობების შესაბამისად უზრუნველყოს მიმწოდებელთან ანგარიშსწორება;

გ) მიმწოდებლის მიერ ხელშეკრულებით ნაკისრი ვალდებულებების შესრულების მიზნით დროულად მიაწოდოს მას შესაბამისი ინფორმაცია;

დ) განახორციელოს ამ ხელშეკრულებით მასზე დაკისრებული სხვა ვალდებულებები.

5.3 მიმწოდებელს უფლება აქვს მოითხოვოს შემსყიდველისგან მომსახურების ღირებულების ანაზღაურება ხელშეკრულებით გათვალისწინებული პირობებით.

5.4 შემსყიდველს უფლება აქვს მოითხოვოს მიმწოდებლისაგან ნაკისრი ვალდებულებების დროული, ხარისხიანი და ჯეროვანი შესრულება.

## 6. ხარისხი

გაწეული მომსახურების ხარისხი უნდა შეესაბამებოდეს ხელშეკრულებით გათვალისწინებულ მოთხოვნებს და კონკურსების ფარგლებში დადგენილ სტანდარტებს.

## 7. ხელშეკრულების შესრულების კონტროლი

7.1 შემსყიდველი უფლებამოსილია საჭიროების შემთხვევაში, მომსახურების გაწევის ნებისმიერ ეტაპზე, განახორციელოს წინამდებარე ხელშეკრულების შესრულების კონტროლი. ასეთ შემთხვევაში, კონტროლს განახორციელებს სსიპ - ღვინის ეროვნული სააგენტოს მარკეტინგისა და საზოგადოებასთან ურთიერთობის დეპარტამენტის მთავარი სპეციალისტი - სოფიო ყავლაშვილი.

7.2 შემსყიდველის შესაბამისი წარმომადგენლის (საჭიროების შემთხვევაში ასევე მოწვეული ექსპერტი) მიერ მომსახურების წუნის აღმოჩენის შემთხვევაში, მიმწოდებელი ვალდებულია წერილობითი შეტყობინების მიღებიდან დაუყოვნებლივ გამოასწოროს წუნი. იმ შემთხვევაში თუ არასათანადო მომსახურების (წუნის) გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება, მიმწოდებელი ვალდებულია შემსყიდველს დაუბრუნოს აღნიშნული არასათანადო (წუნდებული) მომსახურების ღირებულება;

7.3 ამ მუხლის 7.2 პუნქტით გათვალისწინებული არასათანადო მომსახურების გამოსწორება უნდა განხორციელდეს ამ ხელშეკრულების ვადის გასვლამდე.

## 8. მომსახურების მიღება-ჩაბარების წესი

მომსახურების გაწევა დასტურდება მიღება-ჩაბარების აქტით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ელექტრონული ხელმოწერით ან/და ელექტრონული შტამპით.

## 9. ანგარიშსწორება

9.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.2 შემსყიდველი იღებს ვალდებულებას გადაუხადოს მიმწოდებელს ფაქტობრივად გაწეული მომსახურების ღირებულება შესაბამისი მიღება-ჩაბარების აქტის გაფორმებიდან 10 (ათი) სამუშაო დღის

განმავლობაში.

9.3 თუ ანგარიშსწორების განხორციელების ბოლო ვადა (ბოლო დღე) ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

### **10. ხელშეკრულების შესრულების შეფერხება**

თუ ხელშეკრულების დადების შემდეგ მხარეებს წარმოეშობათ რაიმე ხელშემშლელი გარემოება, რაც აფერხებს ხელშეკრულების პირობების შესრულებას, მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შემაფერხებელი ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმდებმა მხარემ გონივრულ (უმოკლეს) ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

### **11. ხელშეკრულების პირობების შეუსრულებლობა**

11.1 მხარეების მიერ ხელშეკრულებით გათვალისწინებული ვალდებულებების შეუსრულებლობა ან არაჯეროვნად შესრულება გამიწვევს პასუხისმგებლობას საქართველოს კანონმდებლობის შესაბამისად.

11.2 ხელშეკრულების მე-3 მუხლის 3.1 პუნქტით გათვალისწინებული მომსახურების გაწევის ვადების გადაცილების შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე კონკრეტული გასაწევის მომსახურების ღირებულების 0.2%-ის ოდენობით.

11.3 მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 20%-ის ოდენობით, ხოლო ხელშეკრულების ნაწილობრივ შესრულების შემთხვევაში - პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

11.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, შემსყიდველს უფლება აქვს შეწყვიტოს ხელშეკრულება და მოითხოვოს მიმწოდებლისაგან ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

11.5 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

### **12. ხელშეკრულებაში ცვლილებების შეტანა**

12.1 ნებისმიერი ცვლილება წინამდებარე ხელშეკრულებაში განხორციელდება წერილობით და დასტურდება ორივე მხარის უფლებამოსილი წარმომადგენლების ხელმოწერით.

12.2 თუ წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შესაბამისი ინფორმაციის თაობაზე შეატყობინოს მეორე მხარეს.

### **13. დავების გადაწყვეტა**

13.1 ხელშეკრულების შესრულების პროცესში მხარეთა შორის წარმოშობილი დავა წყდება მოლაპარაკების გზით.

13.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს სასამართლოს საქართველოს კანონმდებლობით დადგენილი წესით.

13.3. წინამდებარე მუხლის 13.1. პუნქტით გათვალისწინებული მოლაპარაკების პროცესი იწყება ხელშეკრულების ერთი მხარის მიერ მეორე მხარისთვის გაგზავნილი წერილობითი შეტყობინებით.

### **14. ხელშეკრულების შეწყვეტა**

14.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან საქართველოს კანონმდებლობით დადგენილ სხვა შემთხვევებში.

14.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

14.3 ხელშეკრულება შეიძლება შეწყდეს მხარეთა ორმხრივი წერილობითი შეთანხმების საფუძველზე.

### 15. ხელშეკრულების მოქმედების ვადა

წინამდებარე ხელშეკრულება ძალაში შედის მხარეთა მიერ ხელმოწერის მომენტიდან და მოქმედებს 2019 წლის 31 დეკემბრის ჩათვლით.

### 16. ფორს-მაჟორი

16.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

16.3 მხარემ, რომელსაც შეექმნა ფორს-მაჟორული გარემოება, ვალდებულია დაუყოვნებლივ, პირველივე შესაძლებლობისთანავე, მაგრამ არაუგვიანეს ასეთი გარემოების დადგომიდან 5 (ხუთი) დღის ვადაში, წერილობით აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

### 17. სხვა პირობები

ხელშეკრულება შედგენილია ქართულ ენაზე ელექტრონული ფორმით და ხელმოწერილია ელექტრონული ხელმოწერით ან/და დამოწმებულია ელექტრონული შტამპით.

### 18. მხარეთა რეკვიზიტები

#### შემსყიდველი

#### მიმწოდებელი

სსიპ - ღვინის ეროვნული სააგენტო

სს „გამოფენების ცენტრი“

თავმჯდომარე  
ლევან მეხუზლა

დირექტორი  
რესან ქიქავა

ს/კ 204446965  
იურიდ. მის.: ქ. თბილისი, მ. გელოვანის გამზ. №6.  
საბანკო რეკვიზიტები: სახელმწიფო ხაზინა, კოდი  
ბ.კ. TRESGE22; ა/ა 200122900  
ტელ.: 2 97 41 03

ს/კ 201990104  
იურიდ. მის.: ქ. თბილისი, აკ. წერეთლის გამზ. № 118.  
საბანკო რეკვიზიტები: სს „თი ბი სი ბანკი“  
ბ/კ: TBCBGE22  
ა/ა: GE87TB0600 0001 0046 7324  
ტელ.: 2 34 11 00

---

ლევან მეხუზლა

---

რესან ქიქავა

№	აღწერილობა	ერთეულის ფასი (ლარი)	რაოდენობა	ჯამი (ლარი)
<b>ღვინის საერთაშორისო კონკურსი „International Wine Competition“- პავილიონი №3 2019 წლის 11-12 ივნისი</b>				
1	კონკურსისთვის ფართით უზრუნველყოფა (მე-3 პავილიონი)	940.00	2 დღე	1880.00
2	კონკურსში გამარჯვებული კომპანიებისთვის ოქროს მედლების დამზადება	169.00	40 ც	6760.00
3	ოქროს მედლებისთვის ჩასადები ყუთების დამზადება.	45,00	40 ც	1800.00
4	საბეჭდი მასალები  ჟიურის წევრები უზრუნველყოს 20 ც. საქაღალდით; 500 ც. ბლანკით; 20ც ბრენდირებული კალმით, 15 ც. ბეიჯით.  კონკურსი უზრუნველყოს 10 ც. ნიშნულით და 2 ც. ინფორმაციული ბანერით.	-	-	1600.00
5	კონკურსის დაჯილდოვების ცერემონიის გახმოვანების სისტემით უზრუნველყოფა და მუსიკალური გაფორმება (ბ.შათირიშვილის ბენდი „სტუმრები“)	3125.00	-	3125.00
6	მომსახურე პერსონალი	50.00	9	450.00
7	საზღვარგარეთიდან მოწვეული კონკურსის ჟიურის თავმჯდომარის ტიმ ატკინის ანაზღაურება	14 110.00	1	14 110.00
8	საზღვარგარეთიდან მოწვეული კონკურსის ჟიურის თავმჯდომარის - ტიმ ატკინისთვის ინგლისურენოვანი თარჯიმანი	275.00	1 დღე	275.00
<b>მთლიანი ღირებულება დღგ-ს ჩათვლით:</b>				<b>30 000, 00 ლარი</b>

შემსყიდველი

მიმწოდებელი

სსიპ - ღვინის ეროვნული სააგენტო

სს „გამოფენების ცენტრი“

თავმჯდომარე

დირექტორი

ლევან მეხუზლა

რესან ქიქავა